



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Philippo Illvstri Regi Franciae.

urn:nbn:de:hbz:466:1-20006

MATTHÆO ABBATI,
& Conventui S. Spiritus de Arenulis.

Epist. 118.

Sacrofancta Rom. Eccle. &c. usque ad verbum illud suscipimus. Ad iudicium autem hujus nostræ protectionis paginæ nobis nostrisque successoribus unum Bizantium annis singulis exolvertis. Nulli ergo &c. Datum Romæ apud sanctum Petrum VI. Nonas Maij.

O X O M E N S I, O S C E N S I,
& Dertusen. Episcopis.

Epist. 119.
Ve causam Archiepiscopi & Capituli Terraconensis contra monasterium Rivipollense deterriment.

Veniens olim ad apostolicam sedem Vvillielmus monachus Rivipollensis, causam quæ inter venerabilem fratrem nostrum Archiepiscopum & dilectos filios Canonicos Terraconen. ex una parte, & monasterium Rivipollen. ex alia, super villa & honore de Centumcellis vertebatur, ad quosdam obtinuit iudices delegari. Verum quoniam ipse in falsitate Bullæ nostræ fuit publicè deprehensus, & suspectus habetur ne præter literas quas à nobis obtinuit, aliquas alias sub falsâ Bulla in Hispaniam destinarit; fraternitati vestræ per apost. scripta mandamus, quatenus nullis literis super hoc impetratis obstantibus, & revocato quicquid earum auctoritate est attentatum, audiatis causam, & eam sine debito terminetis, facientes quod statueritis per censuram eccle. inviolabiliter observari; auditur nihilominus causam quæ inter Terraconen. Eccle. & monasterium Rivipoll. super castro de Analech vertitur, & sine canonico decursu. Datum Romæ apud sanctum Petrum I I. Nonas Maij.

P H I L I P P O I L L V S T R I
Regi Franciæ.

Epist. 130.
De confirmatione fœderis inter ipsum Regem & Comitem Flandriæ.

Licet ex injuncto nobis apostolatus officio cunctorum teneamur providere quieti & pacem inter singulos exoptare, quietem tuam & regni tui tantò specialius conservare volumus & debemus, & inter magnificentiam regiam & homines suos firmæ pacis existere fœdera studiosius affectamus, quanto personam tuam specialiori diligimus in Domino caritate, & pacem tuam & regni tui ad Ecclesiæ commodum cognoscimus efficacius redundare. Eapropter, cariss. in Christo fili, tuis justis precibus inclinati, & petitionibus tuis, quantum cum Deo possumus, gratum impertien-

tes assensum, felicitis mem. Celestini Papæ prædecessoris nostri vestigiis inherentes, compositionem factam inter serenitatem tuam & dilectum filium nostrum Balduinum Comitem Flandriæ pro pace perpetuò servanda, sicut rationabiliter facta est coram viris religiosis & prudentibus & scripto authentico roborata, & firmata pluribus juramentis, & ab utraque parte recepta, auctoritate apost. confirmamus, & præsentis scripti patrocinio communimus. Ad majorem autem ipsius facti notitiam, authenticum prædicti Comititis de verbo ad verbum præsentibus literis apponi fecimus, & transcribi: cujus tenor talis est. EGO BALDWINVS Comes Fland. & Hainen. notum facio universis præsentibus pariter & futuris quòd ego concessi & juravi Domino meo ligio Philippo illustri Regi Franciæ, quòd omnibus diebus vitæ meæ bona fide & sine fictione ipsum juro vobis contra omnes homines qui possunt vivere & mori, præterquam de terra Hainen. contra Dominum meum Episcopum Leodicensem, si ipse vellet inquietare Regem Franciæ, vel Rex Franciæ eum, sive contra Dominum Imperatorem de eadem terra, neque Regi Franciæ de hujusmodi auxilio faciendo unquam deero, quamdiu idem Dominus meus Rex Franciæ rectitudinem mihi facere voluerit in curia sua, & me facere judicari per eos qui me judicare debent in curia Regis Franciæ. & hoc faciam Domino meo Regi Franciæ assecurari per juramenta viginti hominum meorum de Hainen. quos elegerit Rex Franciæ in hunc modum. Ipsi jurabunt, & literas suas parentes Regi Franciæ inde dabunt, quòd mihi consulent, & volent, & efficiant ad posse suum bona fide, ut hanc conventionem teneam Domino Regi Franciæ integrè, & quòd si ab hoc relinero, in captionem Domini Regis Franciæ ibunt Parisius infra quadraginta dies postquam id sciverint vel per se vel per submonitionem Regis Franciæ, nisi infra eosdem quadraginta dies Regi Franciæ emendatum fuerit, nec de captione Regis Franciæ exibunt, donec illud sit emendatum. & quotiescunque me continget ab hac conventionem resilire, toties Parisius in captione Regis Franciæ ire & captionem ei tenere tenebuntur ad eundem modum qui prædictus est. Eandem securitatem faciam fieri Domino

« Asta hec
« apud Com.
« pendium an-
« no 1196. ut
« patet ex Ri-
« gordo.

Regi Franciæ contra omnes homines
 à quadraginta homin. de terra mea
 Fland. quam modo teneo, quos ipse Rex
 Franciæ elegerit. Et quàm cito ad me ve-
 nerit per jus meum terra quam Comitissa
 uxor quondam avunculi mei Comitis
 Fland. Philippi tenet nomine dotalitij,
 à quadraginta hominum meorum illius
 terræ, quos Rex Franciæ elegerit, ean-
 dem securitatem fieri & præstari faciam
 Domino meo Regi Franciæ. Et quicun-
 que morientur ex his qui hanc fecerint
 Regi Franciæ securitatem, heredes eo-
 rum eandem securitatem præstare Regi
 Franciæ faciam. Quicumque hominum
 meorum de utraque terra prædicta hu-
 jusmodi securitatem Domino Regi Franciæ
 facere noluerint, terras suas eis au-
 feram, nec reddam, donec Regi Franciæ
 dictam fecerint securitatem. Et interim
 alios ad electionem Regis Franciæ fac-
 iam Regi facere illam securitatem. Ceterum
 Dominum Remen. Archiepiscopum, & Atrebaten. & Cameracen. &
 Tornacen. & Morinen. Episcopos roga-
 bo, & bona fide requiram, quòd quo-
 tiescunque me à prædictis conventioni-
 bus resilire contigerit, tories me excom-
 municent, & terram meam totam inter-
 dicto supponant, non obstante aliqua
 appellatione, donec id emendatum sit
 Regi Franciæ. Et literas meas patentes
 tam Archiepiscopo quàm dictis Episco-
 pis dabo continentes me his concessisse
 quòd hanc justitiam possint in me exer-
 cere, non obstante appellatione, si à di-
 ctis conventionibus resiliero: & efficiam
 ad posse meum, quòd ipsi literas suas
 patentes super hoc dabunt Regi Fran-
 ciæ. Ita etiam quòd quicumque succeffe-
 rint Remen. Archiepiscopo & memora-
 tis Episcopis, ad idem faciendum super
 me & super terram meam Domino Regi
 Franciæ tenebuntur. Dominum Papam
 etiam & alios Summos Pontifices Domi-
 ni Papæ successores rogabo per literas
 meas patentes, quas tradam Regi Fran-
 ciæ, quatenus Domino Regi Franciæ
 suas super hoc confirmationis dent lite-
 ras, & justitiæ in me & terram meam
 exercenda, si ab his resiliero. Sciendum
 præterea quòd Domino meo Philippo
 Regi Franciæ & heredi suo quito feu-
 dum Bolen. & feudum Gumar. & feu-
 dum Osiaci, si quid in illis feudis habeo.
 Quæ omnia juravi, & sigillo meo rata
 firmavi. Nulli ergo &c. Datum Romæ
 apud S. Petrum.

*Scriptum est autem super hoc Vuilclmo
 Remen. Archiepiscopo & Suffraganeis ejus,
 ut apost. freti auctoritate dictam composi-
 tionem faciant, sublato cujuslibet contradic-
 tionis & appellationis obstaculo, per excommu-
 nicationis in personas & interdicti senten-
 tiam in terras, inviolabiliter obser-
 vari.*

CISTERCIEN. ET CLAREVALL.
 Abbatibus.

DEferendum Regi quasi præcellen-
 ti cum in generali testetur Apo-
 stolus, illi deferre specialiter volumus &
 deferri desideramus ab aliis quem certis
 novimus argumentis & fidei catholi-
 cæ integritate præcellere, & inter cete-
 ros Reges in devotione Rom. Ecclesiæ
 proposito persistere firmiori. Hinc est
 quòd nos attendentes fidem & devotio-
 nem quam carissimus in Christo filius
 noster Philippus Rex Francorum illu-
 stris, non solum circa Rom. Ecclesiam,
 verum etiam circa Ecclesias universas,
 quasi ex liberalitate innata creditur ex-
 hibere, de venerabilis fratris nostri Ro-
 thomagen. Archiepiscopi discretione
 miramur, quia (sicut audivimus) cum
 idem Rex super facto Andeliaci ab ip-
 so Archiepiscopo tanquam à suspecto
 iudice appellaret, ne aliquid posset
 in ejus præjudicium generari, nihilomi-
 nus idem Archiepiscopus ipsum infes-
 tat, ejusque terram in sua provincia
 constitutam ecclesiastico minatur sup-
 ponere interdicto. Vnde nos Cano-
 num statuta sequentes, si quid post ap-
 pellationem illam rationabiliter inter-
 positam in ejus præjudicium fuerit at-
 tentatum, irritum decernentes penitus
 & inane, præfato Archiepiscopo man-
 davimus, districtius inhibentes, ne præ-
 dictum Regem de cetero propter hoc
 molestare aut in terram ejus sententiam
 promulgare præsumat, quamdiu coram
 vobis, qui neutri partium merito debetis
 esse suspecti, parere voluerit æquitati.
 Quocirca discretioni vestræ per aposto-
 lica scripta mandamus, quatenus si præ-
 dictus Archiepiscopus post appellationem
 illam, eodem Rege taliter juri-
 stare parato, in prædictam terram ali-
 quam in gravamen ipsius duxerit senten-
 tiam promulgare, vos nostra freti auctori-
 tate illam denunciatis sublato appellationis
 obstaculo non tenere. Ne verò propter

*Epist. 137.
 Ut per Archie-
 piscopum Rotho-
 magenem, post interposi-
 tam à Philippo
 Gallorum Re-
 ge appellationem,
 attentari levocent.*

*Vide supra epist.
 108.*